



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Constans Defensio, Ex S. Scriptvra, Et Vera Catholica
Doctrina, Atqve Observatione Vniuersalis Christianæ
Ecclesiæ Deliberationis de Christiana Reformatione**

Bucer, Martin

Genevae, 1613

Pio Lectori P. In Domino Iesv S.

urn:nbn:de:hbz:466:1-34315



PIO LECTORI

P. IN DOMINO IESU

S.



GRANDE illud reformationis Ecclesiastica beneficium tam ardentibus votis à piis exoptatum, huic & superiori seculo à Dei clementia concessum, cum toto pectore amplecti debuissent omnes, quibus demandata domus Dei cura & corporis Christi edificatio, factum est ut qui hominibus contra Deum crediderant, Deo contra homines nollent credere. Ac sicuti filius è sinu Patris, sese recipiendum & in se salutem hominibus cum offerret, veritatis censuram refugientes Pharisaei quasiuerunt, Qua autoritate hac facis? Idem factum his seculis. Cum oportuisset vocem Dei & Filium ipsius è caelo in S. Scripturis loquentem ab omnibus attendi: ut ab illo audiendo animi hominum auerterentur, vitiligatores in Pastorum vocatione contentionem quasiuerunt. Deus vero, ne quid omitteret quod faceret ingrato mundo percellendo, ex eorum numero passim excitauit, quorum autoritati nihil deesset eorum, qua vocationem apud illos ratam faciunt, & illi pondus addunt: ita ut quibus salus sua futura est cordi, nil habeant cur moras neccant, nec sit reliquis quod peccato suo praeexant. In amplissimo regno Magna Britannia, reformata est Ecclesia, non tantum Serenissimorum Regum zelo & autoritate (quod factum in regnis Dania, Suecia, Nauarra, & ab Illustrissimis Imperij Electoribus, alijsq; Principibus Germania) verum etiam Episcoporum & Archiepiscoporum opera. Atque ut omittam Gentes illas quae tota Euangelium sunt amplexae: in Germania, Gallis, Pannonia, passim excitauit Deus Episcopos, Archiepiscopos, etiam ex Cardinalium ordine, Illustrissimos Principes Herman-

num & Gebhardum S. Ro. Imperij Electores, Archiepiscopus Coloniensis: Odetum Colinium Cardinalem, Episcopum Bellouacensem, Archiepiscopus Marillacum Viennensem, Sanromanum Aquensem: Episcopos Io. Ant. Caraciolum Principis Melfitani F. Tricassinum, Io. Barbansonum Apameensem, Carolum Gillarium Carnutensem, Paulum Vergerium Iustinopolitanum, & alios qui Protestantium doctrinam publicè amplexati, eam quisque in sua diocesi constituere omni ope sunt conati. Cùm verò Illustrissimus Princeps & Elector Hermannus Archiepiscopus Coloniensis scripto publicè notas fecisset causas & modum Reformationis à se optata: Ei se opposuerunt Canonici Colonienses, Illorum exceptionibus respondit vir ab eruditione & pietate nunquam satis laudatus Martinus Bucerus: cuius scriptum cùm delituisse hætenus, nunc verò nacti essemus, ex ipsius autographo descriptum. Illustrissimi Electoris Hermannus scripto coniungere, & publici iuris facere visum est, ne tam utili opere, pietatis & veritatis amantes fraudarentur. Illo itaque fructu, benigne Lector, ad Dei gloriam & tui salutem.

INDEX

